



Кенгеш

Бюджетни ёлчеми ёсгенду

Къабарты-Малкъарны Правительствосуну кенгешинде бюджетни толтуруу, къырал ырысхы, сора спортха себеплик этюу бла байламлы талай проектге къаралгъанды. Аны ишин Правительствону Председатели Мусукланы Алий бардыргъанды, жыйылыуа министрстволаны бла ведомстволаны таматары эм келечилери къатышхандыла.

Кенгешде айтылгъаныча, быйылны биринчи жарымы эсеплерине кёре, республиканы бюджетине 35,9 миллиард сом жыйылгъанды, андан 35,2 миллиард сом къоранч этилгенди. Артыгъы 697,7 миллион сом болгъанды. Тийишли оюну бла КъМР-ни Прави-

тельствосуну къыстырыкъ фондундан этиллик къоранчланы да дурус кёргенди. «Ленинцы» эл мюлк кооперативни иелигинде болгъан мюлкню бир кесегин республиканы атына кёчюрюрге келишгенди. Ызы бла аны «Кюн шахар» сабий чыгъармачылыкъ

академиягъа берликдиле. Анда уа сабий лагеръ къурап, школчулагъа, ол санда льготалагъа тийишли къауумлада болгъанлагъа, солур амалла къуарыкъдыла. Ол объектде дагъыда сау жылны ишлеген билим беруу кластер ачыллыкъды. Анда къошакъ билим беруу программала бла дерсле, аскер-патриотлукъ жыйлыула, профильли сменала бардырыллыкъдыла.

Энтта да бир проект дурус кёрюлюп, Россей Федерацияны спортну олим-



пиада, аллай болмагъан, сора паралимпиада тюрлюлеринден жыйымдыкъ къауумларына кирген спортчуланы эмда алааны юйретиучюлени тизмеси жарашдырылгъанды. Ары

тошгенлеге быйыл экинчи квартал ючюн аха тёленирикди. Бу жумуша битеу да 21 миллиондан аслам сом бёлюннгенди.

УЛБАШЛАНЫ Мурат.

Машук-2026

Тамбланы юсюнден сазгышлана, тарыхны дерслерин унутмазгъа

«Машук-2026» форумда къонакъда прогностика жаны бла уста, «Социофост» проектни илму башчысы, физик, социолог, аскер тарыхны тинтген алим, фантастиканы теоретиги Сергей Переслегин болгъанды.

Форумну «Созидатели» бёлюмюню келечилерине ол, «Тамбланы сыфаты» деген лекцияны окъуй, келир замандан не сакъларгъа болулгъуна жангы кёзден къараргъа, этиллик мадарланы сайларгъа эмда хар инсан да тамбласы ючюн не этиллыгъын тинтирге юйретгенди.

Бу жумушда ол тинтиуге, сазгыш эте билмуге бергенди энчи магъана. «Оюм этюу адам улуно ёмюрюнде эм

кёре уа бусагъатдагы жашауда инсанны баш борчларындан бири аны тюз хайырлана билиудю», деп белгилегенди.

Машукчула бла бирге Переслегин стратегиялы сазгыш этюуню магъанасын, чекле салыннган болумлада оноула этюуню юсюнден ушакъ бардыргъанды. Ол айтханыча, стратегия бла кюрешген инсан мадарла, онгла аз болумлада ишлейди, алай

юсюнден баргъанды. «Аны эндиге дери белгили болгъан технология жетишимле бла бир тизмеге салыргъа жарарыкъды. Быллай болумлада социал, экономика эм интеллектуал системала тюрленириклерин, биз юйреннген халда къалмазлыкъларын аныларгъа керекди», дегенди.

Тарыхчы, жаш адамлагъа тамблагъы кюнлерин къурауда алыкъа жуапла табылмагъан кезиуледе тюз оноула этерча жолну да кёрюзте, алагъа дери киши барыргъа басынмагъан жолну ёюу, керти да, батырлыкъ болгъанын белгилегенди.

Экинчи лекциясын а ол «Россей: жууукъ эм узакъ келер заманы» деген темагъа жаралагъанды. Ол акыыл этгенден, бююнлюкде къыралыбыз жарыкъ тангъа чыгъа турады. «Аны аллында кёп тюрлю онгла ачыладала, алай аны бла бирге тюз сайлау этюуню магъанасы да ёседи. Аны хайырындан талай онжыллыкъгъа алгъа, тюзюн айтханда уа, эки технология толкъунлагъа дери, къалай айнырыгъыбыз белгиленирикди, жангылычланы багъасы уа уллу боллукъду», дегенди ол.

Келир заманланы юслеринден сазгышлана, алим ала жаланда ахшы неда жаланда осал боллукъдула, деп айырыргъа жарамазлыгын чертгенди. Кыйын, осал затта да игиликке табылгъанларча, хар ахшы затны да кесини къарангы



жаны барды. Ол себепден, тамбланы тинтген инсаннга келир заманны сурадын къуаргъа угъай, алыкъа кёрюнмеген кемчиликлерин тохташдырыргъа борч салынады. Былайда тарыхха къарау, аны дерслерин анылау болушуркыду, сёз ючюн, Куликовада сермешден Улуу Ата журт урушха, андан а бююннге дери болумланы тинти.

Сергей Переслегин эм уллу жангылычладан бирине Россейге башха къыраладан юлгю алгъан жергеца къарауу санагъанды. Ма ол оюмду барыбызны да маданият-геополитика уругъа тошюрген, дегенди. Ол белгилегенича, къыралыбызны тарыхы космосну тинтиуден башлап, илму мектеплени ишлеуге дери жетишимлеге байды. «Биз бир кишиден артка къалмайбыз, алай суна эсек да», - деп къошханды ол. Аны бла байламлы спикер Россей бусагъатда хазыр амалланы сайламай, кесиникилени жарашдыргъан кезиуге киргенин айтханды. Былайда сёз, ол чертгенича, экономика неда политика болумну юсюнден угъай, энчи цивилизация стратегияны къурауу юсюнден барады.

КУЛЬЧАЛАНЫ Зульфия.

Таппандырыу

«Шуёхлукъ» — айбат тийре

Нальчикде Искож микрорайонда «Шуёхлукъ» паркны тийресинде таппандырыу ишле бардырыладыла, деп билдиргенди КъМР-ни Кзурулуш эм ЖХХ министерствосундан.

Бююнлюкге анда ойнарча майданчыкъ жарашдырылгъанды, сора тийре толусунлай тазалан, жери



да тюзетилгенди. Кзурулушчула анда орнатыллыкъ чыракълагъа ток ыла созгъандыла эмда тюбюне жаярча резинден этилген жумушакъ материал жайгъандыла. Тёгерегинде уа бордюру ташла тизгенди. Сора къыллаучала эмда сабийле заманларын ойнап зауукъу ётдюрюрча тюрлю-тюрлю затла орнатыладыла. Проектине кёре, парк талай жерге бёлюнюрюкдю, ары келликлени жыл санларына тийишлиликди.

Ишле «Тап шахар болум къурау» федерал проектни чеклеринде бардырыладыла. Ол кеси да «Жашау этерча инфраструктура» миллет проектге киреди, дегенди министерствода.

ОМАРЛАНЫ Мурат.

Жангылыкъла

Къоркъуусузлукъну эм башха салып

Къабарты-Малкъарда Новопавловск-Прохладный-Моздок автомобиль жолда орналгъан путепроводха тынгылы ремонтну этип бошай турадыла. Саулай да ол объектни узунлугъу 221 метр болады, деп билдириледи КъМР-ни Башчысыны МАХ-да каналында.

Бююнлюкге къурулуш

ишлени бардыргъан биригю темир конструкцияланы кетерип, балкаланы орнатып башагъанды. Битеу ишле проектде белгиленнгенине тийишлиликде эм технология излемлеге кёре бардырыладыла.

Кзурулушчула балкаланы салып бошагъандан сора, жангыртуу ишлени къабыл

этилген планнга кёре тамаларыкъдыла. Путепроводха тынгылы ремонтну бардырыу аны тийишли халгъа келтирме, не жаны бла да тутхучлу этерге эм транспорт жорюгенде къоркъуусузлукъну жалчытыргъа себеплик этерикди, деп айтылады билдириуде.

Мектепде ишле бошаладыла

«Къабарты-Малкъар Республикада билим берууню айнытуу» къырал программаны жашауда бардырыу бла байламлы Нальчикни тогузунчу номерли школунда тынгылы ремонт ишле бошала турадыла, деп билдириледи КъМР-ни Башчысыны Администрациясыны МАХ-да каналында.

Бююнлюкге суу бла жал-

чытхан, кир суула кетген эм жылыу суула бла жалчытхан системаланы алышындырып бошай турадыла. Андан сора да, мектепни ичинде отууларын эм алааны сыфатларын шёндюгю заманны излемлерине кёре тюрлендиргенди.

Шёндю махкемени къабыргаларын жарашдырыу ишлени бардырып башлагъ-

андыла. Плитка турлукъ жерле толусунлай салынып бошалгъанды, тийишли санитар-техника оборудование да орнатылгъанды. Бююнлюкде сюртоу-бону эм отуулары башларында монтаж ишле бардырыла турадыла.

Битеу белгиленген ишле жангы окъуу жыл башланьрны аллына бошаллыкъдыла, деп айтылады билдириуде.

Маданият махкемеле жангыртыладыла

Къабарты-Малкъарда маданият бёлюмюню айнытугъа, ол жаны бла махкемелени асламлагъа жетишимли болуларына, чыгъармачылыкъ бла кюреширча шёндюгюлю болумланы къурауагъа бурулгъан жумушла тамамланганлай турадыла. Ишле миллет эмда федерал проектлени, дагъыда Халкъ программа

бла келишдирилген къырал программаланы чеклеринде бардырыладыла. Аны юсюнден КъМР-ни Башчысыны Администрациясыны МАХ-да каналында айтылынады.

Арт беш жылны ичинде маданиятны 34 объект таппандырылгъанды, 31 объекте тынгылы ремонт этилгенди. Ол борчлагъа къырал себеплики

битеулю ёлчеми 2 миллиард сомдан артыкъ болгъанды.

Иш 2026 жылда да андан ары тындырылады. Кёнделен элде бла Нальчикде искустволаны 2 сабий школасыны куурулушлары барады. Терекни китапханасына, Нальчикде 3 китапханалы, Прохладнада Маданият юйге тынгылы ремонт этилинеди.

Узакъ ёмюр эмда тири жашау

Нальчик шахарда 1-чи номерли поликлиниканы реабилитация бёлюмю «Узакъ ёмюрлю эмда тири жашау» миллет проектни себеплиги бла шёндюгю медицина оборудование бла жалчытылынады.

Аны хайырындан амбулатор халда багъынуу кенгертмге, медицина

болушлукъну къыйматын кётюрюрге онг чыгъарыкъды. Саусузла, аберилерин ачытханла да, кеслерине бакъдыргъанларындан сора, саулыкъларын кючлендирме, инсулытладан, башха жорек-къан тамыр аурууладан сора нерваларын шошайтыр амал табырыкъдыла.

Шёндюгю амалла специалистлеге саусузуу халын тюз тохташдырыргъа, багъуу къалай жарагъанын билип турургъа, саулыкъну кючлеуно энчи программасын сайларгъа болушуркыдула, деп билдириледи КъМР-ни Башчысыны Администрациясыны МАХ-да каналында.

Фестиваль

Туризмни айнытыргъа алланып

Къабарты-Малкъар Республикада 21-23 августда «Бизни Кавказ» деген кыйын жерледе жюрюген автомашинала бла жюрюу байламлы турист фестиваль бардырыллыкъды. Анга табийгъатда тири солунуу сайлагъанла, жолучула, туризм жаны бла ишлерин бардыргъанла, төрт чархлары тартхан техниканы чыгъаргъан компанила, жамауат биригилени келечилери эм Россейни башха регионларыннан да адамла кытышырыкъдыла, деп билдиреди ГКУ «КБР-Медиа».

Фестивальны Къабарты-Малкъар Республиканы курортла эмда туризм министерствосу КъМР-ни Правительствосуну болушлугуу бла бирге бардырады. Байрам Нальчикде Абхазия майданда башландырыкъды эм Черек районну тау жолларында ётерикди. Жарашдырылган программалы кёре, тау жолла бла байламлы экспедицияла куураыллыкъдыла, маданият, жарыкъландырыу эмда

билим беруу жаны бла жумушла бардырыллыкъдыла, кёрмючле эм концерт программала кёргозтоллюкдюле. Дагъыда Россейде эм бийик автомобиль жолда рекорд тохташдырыу бла байламлы акция бардырыллыкъды.

Этилген тергеулеге кёре, фестивалыгъа 5 мингден аслам адам кытышырыкъды эм ол автомобиль туризм жаны бла Шимал Кавказда эм уллу байрамладан бирине саналлыкъды.

Фестивальны баш мурагы – автомобиль туризмин эмда Къабарты-Малкъар Республиканы туризм жаны бла онгарын эм аны айный баргъанын кёргозтюудю. Дагъыда регионну табийгъат, маданият эм тарых жаны бла байлыгын, тамашалыгын ачыкълауду, аны бла бирге уа бизни жерлерибизде къоркъуусузлуу эм жууаллы жолочулукъну къуаргъа себеплик этюудю, деп айтылады билдириуде.

ОГРАНИЧЕННЫЙ НАБОР в подразделение БПЛА

ВОЗМОЖНОСТЬ УВОЛИТЬСЯ ПО ОКОНЧАНИЮ КОНТРАКТА

5 500 000 РУБ. ЗА ПЕРВЫЙ ГОД

2 500 000 РУБ. ЕДИНОВРЕМЕННО

Списание долгов до 10 млн. руб.

ОБРАЩАТЬСЯ: г. Нальчик, ул. Идарова, д. 198 Тел.: +7 (852) 579 03 45

Хурметли жамауат!

Телефонугъуз бла бу QR-кодну хайырлана, «Заман» газетге 5 айгъа жазылыргъа онг барды. Алайды да, жазылыгъыз, быйылгъы жылда газет бла бирге болугъуз!

Хурметли жамауат!

«Заман» газетин МАХ-да кесини каналы барды. Сизин ары къошулургъа чакъырабыз.

https://max.ru/id725009184_gos4

Агамлыгъы эм билими юлгю болуп къалгъангыла

2 бет



«Хычинни байрамы кёплени бирикдиргенди»

3 бет



Тейри къылычны жарыкълыгъында

4 бет



